



Nuuk, 17. februar 2011

Inatsisartut Suleriaasianni § 37, imm. 1 naapertorlugu matumuuna imaattunik Naalackersuisunut apeqquteqarpunga:

### **Naalackersuisunut apeqqut:**

- 1) **Naalackersuisut pilersaaruteqarpat issittumi nunatta nammineq soqutigisaanik politikkikkut iliuusissamik aalajangersaanissaminnut?**
- 2) **Naalackersuisut soqutiginnippat ukiuni tullinnguuttuni issittup soqutigineqariartuinnarnera aammalu silaannaap pissusaata allanngoriartornerata ilutigisaanik aningaasanut inatsisissamut 2012-mut taakkununga tunngasumik aningaasaliinissaminnut?**
- 3) **Naalackersuisut pilersaaruteqarpat Nunavut aammalu Nunavik peqatigalugit issittumi pissutsinut tunngatillugu suleqatigiissuteqassallutik?**

(Inatsisartunut ilaasortaq Jane Petersen, Inuit Ataqatigiit)

### **Tunngavilersuut:**

Ukiuni kingullerni nunarsuarmi issittoq annertuumik soqutigineqaleriartorpoq. Nunallu ilarpassui inuussutissarsiornikkut allatigullu soqutiginninnermikkut issittumut politikkissaminnik aalajangersaallutik aallartereersimapput. Taamaattumik Naalackersuisunut apeqqutigerusuppara nunatta nammineq soqutigisaanik politikkikkut aalajangersaanissaq pilersaarutigineqarnerisq? Taamaattoqarpallu paaserusupparattaq qanoq iliorluni politikkikut aalajangersaasoqassanersq?

Silap pissusaata allanngoriartornerata malitsigisaanik issittumi pissutsit aamma eqqumaffigineqarput. Ilaatigut eqqaasinnaavara Sullualuk aqqusaarlugu umiarsuarnik usinik assartuussinnaalernissamut periarfissat takorluukkallu. Silap pissusaata allanngoriartornera ilutigalugu taamaattumik ilanngullugu aamma paaserusuppara imartamik avitseqatigisavut aammalu Inuit najugaanni oqartussanik Naalackersuisut suleqatigiinnissamik isumaqatigiissuteqarnissamik pilersaaruteqarnerisut. Apeqquteqaatinni pingaartippara nunatta issittumut tunngasumik immikkut soqutigisaminik politikikkut aalajangersaasalernissaa, taamaasilluni issittumi aammalu silap pissusaata allanngoriartornerata malitsigisaanik nunatta nukittuutut inissinnissaa qularnaarumallugu.